

**Ich, Prins Rik d'n ieëstje, jongste zoon van Huub en Monique Rijks, breurke van ex-jeugprins Luc d'n twieëde, mit aan mien rechterzie Prinses Daphne, dochter van Jos en Brigitte Cordewener, heersers euver alle jeugdige Beumerwalderkes make bie deze bekint dat;**

**Ten ieësjte (Rik);**

**Om mien prinssjap te veurkomme mien auwersj mich hubbe probere um te kaupe, mer helaas veur hun; ich wool toch ech geer es prins veurop in de polonaise laupe.**

**Ten twieëde (Daphne);**

**Mit eine lach op mien sjnoet, vertel ich uch; miene druim om jeugprinses te zin kump noe eindelijk oet.**

**Ten derde (Rik);**

**Ich neet allein houd van veul sjpass en plezeer, mer auch voetballe en keepe bie de SVH jeug doen ich geer.**

**Ten veerde (Daphne);**

**Ich es langst zittend jeugroadslid ooit, veul prinse en prinsesse hub zeen komme en goan, eindelijk moag ich noe zelf op de jeugprinsewage sjoan.**

**Ten vijfde (Rik);**

**Ich op sjoal in groep 6 zit, bie juf Thea en Anique in de klas, doa bin ich tusje mien vrung gans in mien sas.**

**Ten zesde (Daphne);**

**Wie eine vusj in 't water veul ich mich in 't zjwumbad, mer mit dees daag hub ich miene hobby effe aan de kant gezat.**

**Ten zevende (Rik);**

**Ich mich noe al verheug op de jeugdisco bie Op de Trepkes, mien twieëde thoes, want dat is Steph (miene ome Mattie) en Jules Brands (miene beste vrund) hun hoes.**

**Ten achste (Daphne);**

Auch in Gullepe vinge ze carnaval cool,  
ich kin 't weite want bie de Gaarekiekerkes zit ich op sjoal.

**Ten neugende (Rik);**

Ich bin dan waal get jonger en kleiner es de prinses aan mien zie,  
mer auch ich kin fieëste; en wie!

**Ten tieënde (Daphne);**

Mit de jeugroad én de tienerroad d'r bie,  
make veer dit joar in de polonaise 'n extra lange rie.

**Ten ellefde (Rik);**

Game, miene favoriete hobby, tijdens carnaval op 'n lieg pitje sjteit,  
mer dat ich oet kiek noa unne tied same mit mien vrung mit veul gezelligheid.

**Os motto veur deze vasteloavend is;**

**Rik;**

**Dat groat en klein deze vasteloavend moage goan hand in hand,**

**Daphne;**

**want allein dan hult men 't carnaval in os Beumerwald in sjtand.**

**ALAAF, ALAAF, ALAAF !!!**

**Gegaeve in 't Beumerwald van Hòlsberg de 13de jannewari 2018  
Jeugprins Rik d'n 1e en Jeugprinses Daphne**